

# In den Gutherzigen vnd kunstliebenden Leser.

S. I. C.

**D**as niemand auff andere weisz  
zu der höchsten wissenschaft ainiger  
kunst/dan durch bequame trappē oder  
staffeln auffsteigendt / gereichen vnd  
kommē mag/wird durch die erfahrung  
warhafftig befunden: darumb ein er-  
fahrner Maister/ der iemant etwas lehren wil / nicht  
an dem schwersten/ sondern an dem allgeringsten sa-  
chen solle anfangen / vnd solcher massen forthfahren/  
damit von dem lernenden (so viel möglich) das nach-  
folgende/durch das vorgehende möge verstanden / be-  
griffen/vnd wol behalten werden.

Wir befinden aber / das diß der hochgelarte Griech  
Euclides sonderlich in gute obacht genommen / vnd  
solcher weisz gefolget habe / als der in beschreibung der  
Geometriae, eine recht künstliche ordnung gehalten / in-  
deme er zum ersten / (damit er desto besser möge verstan-  
den werden.) erklet die namen der linien / winckeln /  
figurn vnd andere dinge / darnach die gemeine erkande-  
nüssen